

ხელშეკრულება №1

ქ. ბათუმი

"12" დეკემბერი 2019 წ.

ა(ა)იპ "ქობულეთის მუზეუმი" (ს/კოდი 446955091) (შემდგომში "დამკვეთად" წოდებული), მისი დირექტორის რეზო ტაკიძის სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში "დაცვად" წოდებული), აჭარის დაცვის პოლიციის სამმართველოს უფროსის კარლო ურუშაძის სახით, მეორე მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. "დაცვა" უზრუნველყოფს "დამკვეთის" ა(ა)იპ ქობულეთის მუზეუმის დაცვას (შემდგომში "ობიექტად" წოდებული), რომელიც მდებარეობს მისამართზე: ქალაქი ქობულეთი, აღმაშენებლის ქუჩა №100 (CPV 79700000);
- 1.2. "ობიექტის" დაცვა განხორციელდება "დამკვეთის" მიერ "ობიექტის" დაცვის ცენტრალიზებულ პუნქტზე ჩაბარებისა და "დაცვის" მიერ ობიექტის დაცვაში აყვანის შემდეგ;
- 1.3. "ობიექტზე" დანაშაულის აღკვეთა (საგანგაშო სიგნალიზაციით, "ლილავის" მეშვეობით) განხორციელდება ცენტრალიზებულ დაცვის პულტზე მიღებულ განგაშზე სათანადო რეაგირების გზით.
- 1.4. "ობიექტის" დაცვა განხორციელდება (კვამლის სახანძრო დეტექტორების მეშვეობით) ცენტრალიზებულ დაცვის პულტზე მიღებულ განგაშზე სათანადო რეაგირების გზით.
- 1.5. "ობიექტის" დაცვას განხორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის აჭარის დაცვის პოლიციის სამმართველო.

მუხლი 2. ანგარიშსწორების პირობები

- 2.1. დაცვის მომსახურების ღირებულება ერთ თვეში სულ შეადგენს **205,00** (ორას ხუთი) ლარს, დ.დ.გ-ს ჩათვლით;
- 2.2. ანგარიშსწორება მხარეთა შორის მოხდება ყოველი საანგარიშო თვის ბოლოს;
- 2.3. "დაცვის" მომსახურების საგადასახადო დოკუმენტაციის შედგენას უზრუნველყოფს შსს სსიპ – დაცვის პოლიციის დეპარტამენტის აჭარის დაცვის პოლიციის სამმართველო.

მუხლი 3. მხარეთა უფლება-მოვალეობანი

- 3.1. "დაცვა" ვალდებულია:
 - 3.1.1. დროებით სარგებლობაში უსასყიდლოდ გადასცეს "დამკვეთს": რადიო გადამცემი, რადიო გადამცემის ყუთი, რადიო გადამცემის პლატა და უზრუნველყოს მათი მონტაჟი-ინსტალაცია.
 - 3.1.2. ცენტრალიზებული დაცვის პულტზე განგაშის მიღებიდან მყისიერად, არაუგვიანეს 7 (შვიდი) წუთისა მოახდინოს "ობიექტზე" გამოცხადება და ადგილზე მისვლის შემდეგ, უზრუნველყოს დანაშაულისა და სხვა სამართალდარღვევის აღკვეთა-აცილება;
 - 3.1.3. მატერიალური პასუხისმგებლობა ზარალისათვის იკისროს, მხოლოდ მაშინ, როდესაც "ობიექტი" დაცული იყო პერიმეტრული დაცვითი სიგნალიზაციით;
 - 3.1.4. "ობიექტზე" აღმოჩენილი ზარალის შესახებ დაუყოვნებლივ აცნობოს "დამკვეთს" და უზრუნველყოს შს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა;
 - 3.1.5. „დამკვეთს“ ფაქტიური ზარალი აუნაზღაუროს სასამართლოს მიერ ძალაში შესული, გადაწყვეტილების საფუძველზე;

- 3.1.6. ზარალის ოდენობის განსაზღვრის მიზნით მონაწილეობა მიიღოს შედარების აქტის შედგენაში, რომელიც უნდა ეყრდნობოდეს "დამკვეთის" საბუღალტრო დოკუმენტაციას და ადასტურებდეს დაცვის პოლიციის დეპარტამენტის შესაბამისი დანაყოფის ხელმძღვანელობის ხელისმოწერა;
- 3.1.7. სიგნალ "განგაშის" მიღებისას ობიექტის გასახსნელად, სიგნალის ამუშავების მიზეზის დასადგენად, აგრეთვე ობიექტის ხელმძღვრედ დაცვაზე ასაყვანად გამოიძახოს "დამკვეთი" ან ობიექტის მიღება-ჩაბარებაზე პასუხისმგებელი პირი;
- 3.1.8. არ მიიღოს "ობიექტი" დაცვაში, თუ შეიქმნა პირობები რომლის გამოც, "დაცვისგან" დამოუკიდებელი მიზეზებით არ ხერხდება დაცვაში აყვანა, რაზედაც "დამკვეთს" ეცნობება წინასწარ;
- 3.1.9. იკისროს პასუხისმგებლობა მხოლოდ იმ ზარალისათვის, რომელიც გამოიწვია "დაცვის" ვალდებულებების არაჯეროვანმა შესრულებამ და არა "დამკვეთის" დაუდევრობამ.
- 3.1.10. „დაცვა“ პასუხს არ აგებს შესაბამისი სამსახურის მიერ განხორციელებული საქმიანობისას „დამკვეთსა“ და მესამე პირებს (სამაშველო სამსახური, სასწრაფო სამედიცო სამსახური და სხვა) შორის წარმოშობილი დავების გამო.
- 3.1.11. „დაცვა“ უფლებამოსილია სახანძრო, მხუთავი და ბუნებრივი აირის დეტექტორებიდან სისტემატიურად „ცრუ განგაშის“ შემოსვლის შემთხვევაში გაწყვიტოს მომსახურების ხელშეკრულება;
- 3.1.12. „დაცვა“ პასუხს არ აგებს საქართველოს კანონმდებლობის შესაბამისად, სახანძრო უსაფრთხოების მოთხოვნების დარღვევებზე;
- 3.1.13. ხანძრის, მხუთავი ან ბუნებრივი აირის მიზეზით გამოწვეულ ზარალს „დაცვა“ არ ანაზღაურებს.

3.2. "დამკვეთი" ვალდებულია:

- 3.2.1. "ობიექტის" დაცვაზე მიღება-ჩაბარებისათვის ოფიციალურად გამოყოს პასუხისმგებელი პირი და გადასცეს მას სიგნალიზაციით სარგებლობის, ან ხელშეკრულებით გათვალისწინებული სხვა ვალდებულებების შესრულების უფლება;
- 3.2.2. „ობიექტზე“ სიგნალ-განგაშის ამოქმედების შემთხვევაში დაუყოვნებლივ (არაუგვიანეს 3 (სამი) საათისა) „ობიექტის“ ხელმძღვანელი ან მისი წარმომადგენელი გამოცხადდეს ობიექტთან "დაცვას" მისცეს დასაცავი „ობიექტის“ გახსნისა და დათვალიერების საშუალება.
- 3.2.3. უცხო პირებს არ გაანდოს დაცვის ტექნიკური საშუალებების გამოყენების წესები, ობიექტზე მინიჭებული პირობითი ნომერი;
- 3.2.4. სიგნალიზაციის გაუმართაობის შემთხვევაში დაუყოვნებლივ აცნობოს ამის შესახებ "დაცვას", დაელოდოს "დაცვის" წარმომადგენლის გამოცხადებას და ნაკლოვანებების აღმოფხვრას;
- 3.2.5. დაცვითი სისტემა აღჭურვოს ახალი სარეზერვო მკვებავი საშუალებებით და მინიმუმ 18 თვეში ერთხელ უზრუნველყოს მათი აუცილებელი განახლება, მუდმივად გამართულ მდგომარეობაში იქონიოს დასამუხტი მოწყობილობა და სარეზერვო მკვებავი საშუალებები, დაიცვას მათი ექსპლუატაციის პირობები და მწყობრიდან გამოსვლის შემთხვევაში დროულად უზრუნველყოს მათი შეცვლა;
- 3.2.6. წინამდებარე ხელშეკრულების 3.1.1 პუნქტში მითითებული მოწყობილობების (რომლებიც წარმოადგენს საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის საკუთრებას და დროებით სარგებლობაში უსასაყიდლოდ არის გადაცემული "დამკვეთი"-სათვის) განზრახ ან გაუფრთხილებლობით დაზიანების შემთხვევაში აანაზღაუროს მიყენებული ზარალი, განსაზღვრული დაცვითი-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის "ზ" პუნქტით;
- 3.2.7. არ დაუშვას "შემსრულებლის" მიერ დამონტაჟებული აპარატურის გადაკეთება ან შეკეთება დაცვის პოლიციის დეპარტამენტის წარმომადგენლის გარეშე.
- 3.2.8. „დამკვეთი“ ვალდებულია „ობიექტიდან“ ყოველდღიურად განახორციელოს ფულადი სახსრების ინკასაცია;
- 3.2.9. რეკვიზიტების (მისამართი, საკონტაქტო ტელეფონები) შეცვლის შემთხვევაში, დაუყოვნებლივ აცნობოს "დაცვას".

მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისგან ფორს-მაჟორული შემთხვევების დროს, რომლის დროსაც შეუძლებელია დაკისრებული მოვალეობათა შესრულება და რაც დადასტურებულია სათანადო ორგანოების მიერ.

მუხლი 5. ხელშეკრულების მოქმედების ვადა

5.1. ხელშეკრულება ძალაში შედის 2020 წლის 01 იანვრიდან და მოქმედებს 2020 წლის 31 დეკემბრის ჩათვლით;

მუხლი 6. ხელშეკრულების სხვა პირობები

- 6.1. წინამდებარე ხელშეკრულების განუყოფელ ნაწილს წარმოადგენს მხარეთა შორის გაფორმებული "ობიექტის" მოკვლევის აქტი;
- 6.2. "დაცვა" მატერიალურ პასუხისმგებლობას იხსნის თუ "დამკვეთი" არ განახორციელებს მოკვლევის აქტში "დაცვის" მიერ მითითებული რეკომენდაციების შესრულებას;
- 6.3. "დაცვა" უფლებამოსილია ცალმხრივად შეწყვიტოს ხელშეკრულება;
- 6.4. წინამდებარე ხელშეკრულების განუყოფელ ნაწილს წარმოადგენს მხარეთა მიერ შედგენილი დაცვით-საგანგაშო სიგნალიზაციის სისტემის მონტაჟ-ინსტალაციის სამუშაოების მიღება-ჩაბარების აქტი.
- 6.5. ზიანის დადასტურების შემთხვევაში "დამკვეთი" 3.2.6 პუნქტში მითითებული თანხის გადახდა უზრუნველყოფს 5 სამუშაო დღის განმავლობაში.
- 6.6. ხელშეკრულების ცალმხრივად შეწყვეტისას, მხარეები ათი დღით ადრე წერილობით აცნობებენ ერთმანეთს მიღებული გადაწყვეტილების შესახებ;
- 6.7. "დამკვეთის" მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში "დაცვა" უფლებამოსილია ცალმხრივად შეწყვიტოს ხელშეკრულება;
- 6.8. "დაცვა" უფლებამოსილია ცალმხრივად მიიღოს გადაწყვეტილება დაცვის მომსახურების ტარიფის ცვლილებების შესახებ, რომელიც წერილობით ეცნობება "დამკვეთს" ერთი თვით ადრე;
- 6.9. "დაცვა" ობიექტის დაცვის მომსახურების შეწყვეტიდან არაუმეტეს 7 სამუშაო დღის განმავლობაში განახორციელებს 3.1.1 პუნქტში მითითებული მოწყობილობების (რომლებიც წარმოადგენს საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის საკუთრებას და დროებით სარგებლობაში უსასაყიდლოდ არის გადაცემული „დამკვეთი“-სათვის) შემოწმებას და დემონტაჟს;
- 6.10. სადავო საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;
- 6.11. წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს;
- 6.12. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან, ერთი ინახება "დამკვეთთან", ხოლო ერთი "დაცვასთან".

მხარეთა რეკვიზიტები და ხელმოწერები

„დამკვეთი“

ა(ა)იპ „ქობულეთის მუზეუმი“; ს/კოდი 446955091, იურიდიული მისამართი: ქ. ქობულეთი, აღმაშენებლის ქუჩა №100; ტელ: 558 44 02 02

დირექტორი

რეზო ტაკიძე

„დაცვა“

შსს სსიპ– დაცვის პოლიციის დეპარტამენტი, ს/კ 211350928. ქ. თბილისი, დ. აღმაშენებლის ხეივანი, მე-11 კმ. მიმღების ბანკი – სახელმწიფო ხაზინა; მიმღების დასახელება – ხაზინის ერთიანი ანგარიში; ბანკის კოდი: TRESGE22; მიმღების დასახელება/სახაზინო კოდი – 707117043. აჭარის დაცვის პოლიციის სამმართველო, ქ. ბათუმი, ტბელ აბუსერიძის ქ. №11, ტელ: 27 74 31, 27 02 89, 577 025 827, 591 70 64 19.

სამმართველოს უფროსი

კარლო ურუშაძე